

# Akashvani, Sambalpur

## SAMBALPURI NEWS EVENING BULLETIN

15 July 2024- 7.02 pm- 7.12 pm.

\*\*\*\*\*

- ୧- ପୁରୀ ଶ୍ରୀକ୍ଷେତ୍ର ନ ଚାଲିଛି ଶ୍ରୀଜୀଉଙ୍କର ବାହୁଡ଼ାଯାତ୍ରା ।  
- ମହାପ୍ରଭୁଙ୍କର ଦର୍ଶନ ଲାଗି ଲାଖ ଲାଖ ଭକ୍ତଙ୍କର ସମାଗମ ।
- ୨- ମୁଖ୍ୟମନ୍ତ୍ରୀ ମୋହନ ଚରଣ ମାଝୀ ମନ୍ତ୍ରୀମଣ୍ଡଳର ସଦସ୍ୟମାନଙ୍କର ସାଙ୍ଗେ କଲେ ଲୁକ୍କର ଅଭିଯୋଗ ଶୁଣାଣି ।  
- ରାଜ୍ୟର ଭିନ୍ ଭିନ୍ ଜିଲ୍ଲା ନ ପ୍ରଶାସନ ତରଫୁ କରାଗଲା ଯୁଗ୍ମ ଅଭିଯୋଗ ଶୁଣାଣି ।
- ୩- ଦରଦାମ୍ଭେ ଆଏତ୍ କରବାର ଲାଗି ଫି' ଜିଲ୍ଲା ନ ପରିବା ମଣ୍ଡି ଖୁଲ୍ବାର ଉପରେ ଖାଦ୍ୟ ଆଉ ଯୋଗାଣ ମନ୍ତ୍ରୀ କୃଷ୍ଣଚନ୍ଦ୍ର ପାତ୍ର ଦେଲେ ଜୋର ।

ଆଉର

- ୪- ଯୁବମାନଙ୍କର ଦକ୍ଷତାକେ ସଠିକ୍ ବେତାର ଲାଗି ଆଏଜ୍ ପାଲନ୍ କରାଯାଉଛି ବିଶ୍ୱ ଯୁବ ଦକ୍ଷତା ଦିବସ ।

ପୁରୀ ଶ୍ରୀକ୍ଷେତ୍ର ନି ଆଏଇ ବାହୁଡ଼ାଯାତ୍ରା ଭକ୍ତି ଆଉ ଶ୍ରଦ୍ଧାର ସହେତେ ଅନୁଷ୍ଠିତ ହେଉଛି । ଶ୍ରୀଗୁଣ୍ଡିଚା ମନ୍ଦିରକୁ ମହାପ୍ରଭୁଙ୍କର ତାଳଧ୍ବଜ, ଦର୍ପଦଳନ ଆଉ ନନ୍ଦିଘୋଷ ରଥ ଶ୍ରୀମନ୍ଦିର ଆଡ଼େ ଘିଚା ଯାଉଥିବାର ବେଳେ ବଳଭଦ୍ରଙ୍କର ତାଳଧ୍ବଜ ରଥ ସିଂହଦୁଆର ପାଖେ ପୁହୁଁଚି ସାରିଛନ୍ । ସେତା ଦେବୀ ସୁଭଦ୍ରାଙ୍କର ଦର୍ପଦଳନ ଆଉ ଜଗନ୍ନାଥଙ୍କର ନନ୍ଦିଘୋଷ ରଥ ବଡ଼ଦାଣ୍ଡ ନ ରହିଛି । ଆଘୋନୁ ବାଟେ ମାଉସୀମାଙ୍କର ହାତୁ ମହାପ୍ରଭୁ ପୋଡ଼ପିଠା ଖାଇଥିଲେ । ଆଏଇ ଧାରିଇ ସମିଆ ଅନ୍ସାରେ ସବୁ ନୀତିକାନ୍ତି ହେଇଥିଲା । ଦିନର ୧୨ ବାଜିକରି ୫୫ ଡକ୍ ଚତୁର୍ଦ୍ଦାମୂର୍ତ୍ତିଙ୍କର ପହଣ୍ଡି ସରିଥିଲା । ତାର ଉତ୍ତରୁ ରଥ ଉପରକେ ମଦନ୍ ମୋହନ୍ ଆଉ ରାମକୃଷ୍ଣ ବିଜେ କରିଥିଲେ । ତାରପରେ ମାହାପୁରୁଙ୍କର ମଇଲମ ଆଉ ବେଶି କରାଯାଇଥିଲା । ତାରୁତ୍ତରୁ ଗଜପତି ମହାରାଜ୍ ତିନ୍ହି ରଥ ନ ଛେରା ପହଁରା କରିଥିଲେ । ରଥମାନକେ ଘୋଡ଼ା ଲାଗି କରାଯାଇଥିଲା । ପହେଲା ବଳଭଦ୍ରଙ୍କର ତାଳଧ୍ବଜ ରଥ ଦୁଇପହରର ୩ ବାଜିକରି ୨୫ ମିନିଟ୍ଥି ଘିଚାଯାଇଥିଲା । ତେହେରୁ ଦେବୀ ସୁଭଦ୍ରାଙ୍କର ଦର୍ପଦଳନ ୪ ବଜେ ଆଉ ମହାପ୍ରଭୁ ଶ୍ରୀଜଗନ୍ନାଥଙ୍କର ନନ୍ଦିଘୋଷ ରଥ ୪ ବାଜିକରି ୧୫ ମିନିଟ୍ଥି ଘିଚାଯାଇଥିଲା । ଇତାର ଆଘୋନୁ ଭୋର ସମିଆଥି ଶ୍ରୀବିଗ୍ରହଙ୍କର ନୀତିକାନ୍ତି ଧାରିଇ ସମିଆ ଆଗରୁ ପୁରୀ

ହେଉଥିଲା । ଆଏବା ବୁଧବାର ଦିନ ରଥ ଉପରେ  
ଚତୁର୍ଦ୍ଧାମୂର୍ତ୍ତିଙ୍କର ସୁନାବେଶ ହେବା ।

ବାହୁଡ଼ା ଯାତ୍ରା ଉଲ୍‌ଗୁନେ ରାଜ୍ୟପାଲ୍ ରଘୁବର ଦାସ  
ରାଜ୍ୟବାସୀଙ୍କୁ ଶୁଭେଚ୍ଛା ଜନେଇଛନ୍ । ସେ ସାମାଜିକ  
ଗଣମାଧ୍ୟମ୍ ଜରିଏ କହିଛନ୍ ଯେ, ମହାପ୍ରଭୁ ଜଗନ୍ନାଥ ଆଏଜ୍  
ନିଜର ବଡ଼ଭାଇ ଭଗବାନ୍ ବଳଭଦ୍ର, ଭଉଣୀ ମା ସୁଭଦ୍ରାଙ୍କର  
ସହେତେ ରଥ ଉପରେ ବସିକରି ଶ୍ରୀମନ୍ଦିର ଫିରବେ ।

ମୁଖ୍ୟମନ୍ତ୍ରୀ ମୋହନ୍ ଚରଣ୍ ମାଝୀ ଭିଲ୍ ବାହୁଡ଼ା ଯାତ୍ରାର  
ଶୁଭେଚ୍ଛା ଜନେଇକରି ସାମାଜିକ୍ ଗଣମାଧ୍ୟମ୍ ଜରିଏ କହିଛନ୍  
ଯେ, ନବଦିନାମ୍ବକ ଯାତ୍ରା ସାରିକରି ଚତୁର୍ଦ୍ଧାମୂର୍ତ୍ତି ଆଡ଼ପ  
ମଣ୍ଡପନ୍ ରତ୍ନବେଦୀକେ ବାହୁଡ଼ି ଆସବେ । କୋଟି କୋଟି  
ଜଗନ୍ନାଥ ପ୍ରେମୀଙ୍କର ଆସ୍ଥା ଆର ବିଶ୍ୱାସର ଇ ବିଜୟ ଯାତ୍ରା  
ସମସ୍ତଙ୍କର ସୁଖ, ସମୃଦ୍ଧି ଆଉ ମଙ୍ଗଲ୍‌ମୟ ଜୀବନ୍ ଲାଗି  
ମୁଖ୍ୟମନ୍ତ୍ରୀ କାମନା କରିଛନ୍ । କେନ୍ଦ୍ର ମନ୍ତ୍ରୀ ଧର୍ମେନ୍ଦ୍ର ପ୍ରଧାନ,  
ବାହୁଡ଼ାଯାତ୍ରାର ଶୁଭେଚ୍ଛା ଜନାବାର ସହେତେ ସାମାଜିକ୍  
ଗଣମାଧ୍ୟମ୍ ଏକ୍ ଜରିଏ ମହାପ୍ରଭୁଙ୍କର ପାଖେ ବିଶ୍ୱବାସୀଙ୍କର  
ମଙ୍ଗଳକାମନା କରିଛନ୍ ।

ବାହୁଡ଼ା ଯାତ୍ରାର ଲାଗି ପାଖାପାଖି ୧୦ ଲାଖ୍ ଶ୍ରଦ୍ଧାଲୁଙ୍କର  
ସମାଗମ୍‌କେ ନଜର୍‌ଥି ରଖିକରି ସୁରକ୍ଷା, ବଡ଼ଦାଣ୍ଡ ନ ଭିଡ଼ି  
ନିୟନ୍ତ୍ରଣ, ରଥମାନଙ୍କର ସୁରକ୍ଷା ଆଉ ଗ୍ରାମିକ୍ ପରିଚାଳନା  
ଲାଗି ଜବର୍ ବ୍ୟବସ୍ଥା କରାଯାଇଛେ । ମୁଖ୍ୟମନ୍ତ୍ରୀଙ୍କର ନିର୍ଦ୍ଦେଶ୍

ଅନ୍ୟାରେ ଉପମୁଖ୍ୟମନ୍ତ୍ରୀ ପ୍ରଭାତୀ ପରିଡ଼ା, ଆଇନ୍, ପୂର୍ତ୍ତ ଆଉ  
ଅବକାରୀମନ୍ତ୍ରୀ ପୃଥ୍ୱୀରାଜ୍ ହରିଚନ୍ଦନ ଆର୍ ସଂସ୍କୃତିମନ୍ତ୍ରୀ  
ସୂର୍ଯ୍ୟବଂଶୀ ସୂରଜ୍ ରଥଯାତ୍ରାର ସୁପରିଚାଳନା ଲାଗି ପୁରୀ ନ  
ଅଛନ୍ ।

ବାହୁଡ଼ା ଯାତ୍ରା- ରାଜ୍ୟ

ସମ୍ବଲପୁର/ ସୁବର୍ଣ୍ଣପୁର/ ବୌଦ୍ଧ/ ନୂଆପଡ଼ା

ସମ୍ବଲପୁର ଜିଲ୍ଲାର ଭିନ୍ ଭିନ୍ ସହର ଆର ଗାଁ ନ ଆଏଜ୍  
ଶ୍ରୀଜଗନ୍ନାଥ, ବଳଭଦ୍ର ଆଉ ଦେବୀ ସୁଭଦ୍ରାଙ୍କର ବାହୁଡ଼ା  
ରଥଯାତ୍ରା ଅନୁଷ୍ଠିତ ହେଉଛେ । ଜିଲ୍ଲାର ସମ୍ବଲପୁର,  
ରେଡ଼ାଖୋଲ୍ ଆର କୁଚିଣ୍ଡାର ୨ ଶହ ନୁ ଅଏତ୍କା ଜାଗା ନ  
ଥିବାର ମନ୍ଦିରମାନଙ୍କେ ବାହୁଡ଼ା ରଥଯାତ୍ରା କରାଯାଉଛେ ।  
ସହରର ୨୫ ଟା ଠାମେ ଶ୍ରୀଗୁଣ୍ଡିଚା ମନ୍ଦିରମାନଙ୍କରୁ ପହଣ୍ଡି  
ଉତ୍ତରୁ ରଥାରୁଡ଼ ବିଗ୍ରହମାନେ ଭକତମାନଙ୍କୁ ଦର୍ଶନ ଦେବାର  
ଉତ୍ତରୁ ରଥଘିଚା ମୁଲ୍ ହେଇଛେ । ଝାଡୁଆପଡ଼ାର ଶ୍ରୀ ଶ୍ରୀ  
ବ୍ରହ୍ମପୁରା ମନ୍ଦିର ନ ରଥଯାତ୍ରା ଉଲ୍ଗୁନେ ବୁଧବାର ଦିନ  
ଚତୁର୍ଦ୍ଦାମୂର୍ତ୍ତିଙ୍କର ସୁନାବେଶ ଅନୁଷ୍ଠିତ ହେବା ।

ସୁବର୍ଣ୍ଣପୁର ଜିଲ୍ଲାର ପାତାଳି ଶ୍ରୀକ୍ଷେତ୍ର ସହେତେ  
ମନ୍ଦିରମାନଙ୍କେ ଆଏଜ୍ ତିନହି ମାହାପୁରୁଙ୍କର ବାହୁଡ଼ାଯାତ୍ରା

ଅନୁଷ୍ଠିତ ହେଉଛି । ଶ୍ରୀମନ୍ଦିର ରୀତିନୀତି ଅନୁସାରେ କୋଟ୍‌ସମ୍ବଲେଇର ତ୍ରିକୁଟ ପାହାଡ଼ ନ ଥିବାର ମାଉସୀ ମା ମନ୍ଦିରକୁ ଚତୁର୍ଦ୍ଦିଗକୁ ପହଞ୍ଚି କରାଯାଇକରି ରଥାରୁଡ଼ି କରାଯାଇଥିଲା । ଇଥି ହଜାର ହଜାର ଭକ୍ତ ମହାପ୍ରଭୁଙ୍କର ଦର୍ଶନ କରବାର ସହେତେ ଜଗନ୍ନାଥ ଗୁମ୍ଫା, ମାଧବ ଗୁମ୍ଫା ଆର ଧ୍ୱନୀ ଗୁମ୍ଫା ନ ପୁହୁଁତିଥିଲେ ।

ବରଗଡ଼ ଜିଲ୍ଲାର ଭରଲି ଠାରେ ଆଏଜ ପ୍ରଭୁ ଦଧିବାମନଙ୍କର ବାହୁଡ଼ାଯାତ୍ରା ଅନୁଷ୍ଠିତ ହେଉଛି । ମହାପ୍ରଭୁ ଜନମ୍‌ବେଦୀକୁ ରଥେ ମନ୍ଦିରକେ ବାହାରିଛନ୍ । ଆଏଜ ରାଏଡ଼ତକ୍ ରଥ ମନ୍ଦିର ସାମ୍ନା ନ ପୁହୁଁତିବା ବଳି ଆୟୋଜନ କମିଟି ତରଫୁ ସୁରନା ଦିଆଯାଇଛି । ସେଆଡ଼େ ପରମ୍ପରା ଅନୁସାରେ ଛୁଆମାନଙ୍କର ରଥଛିଆଁ ଚାଲିଛି ।

ବୌଦ୍ଧ ଠାରେ ନୀତିକାନ୍ତି ଉତ୍ତରୁ ମାଉସୀମା ମନ୍ଦିରକୁ ତିନିଝି ଠାକୁରଙ୍କୁ ଗୋଟି ପହଞ୍ଚି କରାଯାଇଥିଲା । ରଥାରୁଡ଼ି ହେବାର ଉତ୍ତରୁ ତିନିଝି ଠାକୁରଙ୍କର ରଥ ଘିଟା ମୁଲ୍ ହେବା । ଜଗନ୍ନାଥ, ବଳଭଦ୍ର ଆର ଦେବୀ ସୁଭଦ୍ରାଙ୍କର ଦର୍ଶନ ଲାଗି ଭକ୍ତମାନଙ୍କର ଜବର ସମାଗମ୍ ହେଇଛି । ଜିଲ୍ଲାପାଲ୍ ଆଉ ଏସ୍.ପି. ରଥଯାତ୍ରା ଲାଗି ପ୍ରଶାସନ ତରଫୁ କୁହାଯାଇଥିବା ଭିନ୍ ଭିନ୍ ବ୍ୟବସ୍ଥା ଦେଖୁଥିଲେ ।

ନୂଆପଡ଼ାର ଖଡ଼ିଆଲ୍ ଠାରେ ବାହୁଡ଼ାଯାତ୍ରାଥି ଚତୁର୍ଦ୍ଦାସି  
ଭକ୍ତମାନଙ୍କୁ ଦର୍ଶନ ଦେଇଛନ୍ତି । ଯୁବରାଜ ଦେବଦେବ ସିଂହଦେଓ  
ଛେରାପହଁରା କରିଥିଲେ । ଚତୁର୍ଦ୍ଦାସି ବିରାଜମାନ କରୁଥିବାର  
ରଥ ନ ସୁଭଦ୍ରା ରଥାରୁଡ଼ ହେଇଥିବାରନୁ ରଥକେ ମହିଳାମାନେ  
ଘିରିଥିଲେ ।

ମୁଖ୍ୟମନ୍ତ୍ରୀଙ୍କର ଅଭିଯୋଗ ଶୁଣାଣି      ଆରବିନ୍ଦ୍/ ସମ୍ବଲପୁର

ମୁଖ୍ୟମନ୍ତ୍ରୀ ମୋହନ ଚରଣ ମାଝୀ ଆସି ତୁରନ୍ତେଶ୍ୱର ରାଜ୍ୟ  
ଅଭିଯୋଗ ପ୍ରକୋଷ୍ଠ ଠାରେ ଲୁକ୍କର ଅଭିଯୋଗ ଶୁଣାଣି  
କରିଥିଲେ । ଇଥି ଉପମୁଖ୍ୟମନ୍ତ୍ରୀ ଆଉ ଅଲଗା ବିଭାଗର  
ମନ୍ତ୍ରୀମାନେ ଭିଲ୍ ଉପସ୍ଥିତ ଥିଲେ । ଇନ ଶିବିର ଲାଗି ୧୭ ଶହ  
ନୁ ଅଧିକା ଲୋକ ନିଜର ନିଜର ଅଭିଯୋଗ ପଞ୍ଜିକରଣ  
କରେଇଥିଲେ ।

ଜନଶୁଣାଣି      ଆରବିନ୍ଦ୍/      ସମ୍ବଲପୁର/      ବରଗଡ଼/  
ସୁବର୍ଣ୍ଣପୁର/ ଦେବଗଡ଼/ ଝାରସୁଗୁଡ଼ା

ଆଏକ୍ ରାଜ୍ୟର ଭିନ୍ ଭିନ୍ ଜିଲ୍ଲା ନ ଜନଅଭିଯୋଗ ଶୁଣାଣି କରାଯାଇଛି । ଜିଲ୍ଲାସ୍ତର ନ ଜିଲ୍ଲାପାଲ୍ ଆର ଆରକ୍ଷୀ ଅଧିକାରୀମାନେ ମିଳିତ ଭାବେ ଜନଶୁଣାଣି କରିଛନ୍ ।

ସମ୍ବଲପୁର ଜିଲ୍ଲାର ଜମେନ୍‌କିରା ବ୍ଲକ୍ ସମ୍ମିଳନୀ କକ୍ଷ ଠାରେ ଜିଲ୍ଲାପାଲ୍ ଅକ୍ଷୟ ସୁନୀଲ୍ ଅଗ୍ରୱାଲ୍ ଆର ଏସ୍.ପି. ମୁକେଶ୍ କୁମାର୍ ଭାମ୍ ଜିଲ୍ଲାସ୍ତରୀୟ ଅଧିକାରୀମାନଙ୍କର ସହେତେ ଲୋକମାନେ ଉପସ୍ଥାପିତ କରିଥିବା ୮୦ ଟା ଅଭିଯୋଗର ଶୁଣାଣି କରିଥିଲେ । ରାସ୍ତା ଆଉ ସ୍ୱାସ୍ଥ୍ୟ ବାଗିର ଭିନ୍ ଭିନ୍ ବିଷେ ଶୁଣାଣିଥି ଠାନ୍ ପାଇଥିଲା ।

ବରଗଡ୍ ଜିଲ୍ଲା ପଦମ୍ପୁର ପଂଚାୟତ୍ ସମିତି କାର୍ଯ୍ୟାଳୟଠାରେ ଜିଲ୍ଲାପାଲ୍ ଆଦିତ୍ୟ ଗୋୟଲ୍ ଆଉ ଏସ୍.ପି. ପ୍ରହଲ୍ଲାଦ୍ ସହାୟ ମୀନା ଜନଶୁଣାଣି କରିଥିଲେ । ଇଥି ୬ ଟା ସାମୁହିକ୍ ଆର ୨୨ ଟା ବ୍ୟକ୍ତିଗତ ସମସ୍ୟାର ଶୁଣାଣି କରାଯାଇଥିଲା ।

ସୁବର୍ଣ୍ଣପୁର ଜିଲ୍ଲା ବିନ୍‌କା ବ୍ଲକ୍ ସମ୍ମିଳନୀ କକ୍ଷ ଠାରେ ହେଇଥିବା ଜନଶୁଣାଣି ଶିବିର ନ ଜିଲ୍ଲାପାଲ୍ ଅନ୍ୟା ଦାସ ଆର ଅତିରିକ୍ତ ଏସ୍.ପି. ବୀରେନ୍ଦ୍ର କୁମାର୍ ନାଏକ୍ ଆସିଥିବାର ଅଭିଯୋଗ ମାନଙ୍କର ଶୁଣାଣି କରିଥିଲେ । ଇନ ଆସିଥିବା ୮୩ ଟା ଅଭିଯୋଗକୁ ୩୭ ଟା ଦରଖାସ୍ତ୍ର ସେହିଠାରେ ସମାଧାନ କରାଯାଇଥିଲା । ଅଲଗା ଦରଖାସ୍ତ୍ର ମାନକୁ ଧାରିକ୍ ସମିଆ

ଭିତ୍ରେ ସମାଧାନ ଲାଗି ଉପସ୍ଥିତ ଅଧିକାରୀମାନଙ୍କୁ ନିର୍ଦ୍ଦେଶ ଦିଆଯାଇଥିଲା ।

ଦେବଗଡ଼ ଜିଲ୍ଲା ବାରକୋଟ୍ ବ୍ଲକ୍ ବିଜୟନଗର ଗ୍ରାମପଂଚାୟତ୍ ସମ୍ମିଳନୀ କକ୍ଷ ଠାରେ ହେଇଥିବା ଶିବରଥ ଜିଲ୍ଲାପାଲ୍ ସୋମେଶ୍ କୁମାର୍ ଉପାଧ୍ୟକ୍ଷ ଆର୍ ଏସ୍.ପି. ଅନୁପମା ଜେମ୍ସ୍ ଅଭିଯୋଗୀମାନଙ୍କର ଶୁଣାଣି କରିଥିଲେ । ଇନ ଝୁଣା ଟା ଅଭିଯୋଗ ର ଶୁଣାଣି କରାଯାଇକରି ଦରକାରୀ ପଦକ୍ଷେପ୍ ନେବାରକେ ଅଧିକାରୀମାନଙ୍କୁ ନିର୍ଦ୍ଦେଶ ଦେଇଥିଲେ । ଝାରସୁଗୁଡ଼ା ଜିଲ୍ଲାର କିର୍ମିରା ବ୍ଲକ୍ କାର୍ଯ୍ୟାଳୟ ଠାରେ ଜନଶୁଣାଣି ଶିବିର ନ ଜିଲ୍ଲାପାଲ୍ ଝୁଣା ଟା ଅଭିଯୋଗର ଶୁଣାଣି କରିଥିଲେ । ଇତାରଭିତ୍ତୁ ୧୨ ଟା ସାମୁହିକ ଆଉ ୧୭ ଟା ବ୍ୟକ୍ତିଗତ ଆପତି ଅଭିଯୋଗ ରହିଥିଲା ।

ଦରଦାମ୍ ନିୟନ୍ତ୍ରଣ ଆର୍ଏନ୍ୟୁ/ କଟକ୍

ରାଏଜେ ଦରଦାମ୍ ନିୟନ୍ତ୍ରଣକେ ଆନ୍ବାର୍ ଲାଗି ଫି' ଜିଲ୍ଲା ନ ପରିବା ମଣ୍ଡି ଖୁଲ୍ବାର୍ ଉପ୍ରେ ଖାଦ୍ୟ ଆଉ ଯୋଗାଣ ମନ୍ତ୍ରୀ କୃଷ୍ଣଚନ୍ଦ୍ର ପାତ୍ର ଜୋର୍ ଦେଇଛନ୍ । ସେ କହିଛନ୍ ଯେ, କଟକ୍, ଭୁବ୍ନେଶ୍ୱର୍ ସହେତେ ସବୁ ଜିଲ୍ଲା ନ ପରିବା ମଣ୍ଡି ଖୁଲାଇବା । ଚାଷୀମାନେ ସେମାନଙ୍କର ଉତ୍ପାଦିତ ପରିବା ମଣ୍ଡିନ ବିକ୍ରି କରବେ । ମନ୍ତ୍ରୀ ଶ୍ରୀ ପାତ୍ର କହିଛନ୍ ଯେ, ଦରଦାମ୍ ନିୟନ୍ତ୍ରଣ



ଲାଗି ମଧ୍ୟସ୍ଥି ମାନକର ପ୍ରଭାବ କମାବାରକେ ପଢ଼ିବା । ଖୋବ  
ଜଳଦି କୃଷି, ସମବାୟ ଆଉ ଖାଉଟି ବିଭାଗର ମିଳିତ ବୈଠକ  
କରାଯାଇକରି ଇ ବାବଦେ ନିଷ୍ପତ୍ତି ନିଆଯିବା ।

ବିଶ୍ୱ ଯୁବକୌଶଳ ଦିବସ

ଆରବନ୍ଧୁ / ସମ୍ବଲପୁର

ଫି' ଦେଶର ଭବିଷ୍ୟତ୍ ଇତାର ଯୁବ ପିଢ଼ି ଉପରେ ନିର୍ଭର  
କରସି । ଯୁବ ବର୍ଗର ଦକ୍ଷତା ଜରିଏ, ସେମାନକର ପରିବାର  
ସମାଜ ଆର ଦେଶର ଉନ୍ନତିଥୁ ସାହାଜ୍ କରସି । ପ୍ରଧାନମନ୍ତ୍ରୀ  
୨୦୧୫ ଜୁଲାଇ ୧୫ ତାରିଖ ଦିନ ବିଶ୍ୱ ଯୁବକୌଶଳ ଦିବସ  
ଉଲ୍ଲଗ୍ନେ ଦକ୍ଷତା ବିକାଶ ଯୋଜନା ମୁଲ୍ କରୁଥିଲେ । ଇ  
ଯୋଜନାଥୁ ସରକାରକର ତରଫୁ ଯୁଆନ୍ ପିଲା ଟୁକେଲ୍ମାନକୁ  
ଭିନ୍ ଭିନ୍ କ୍ଷେତ୍ର ନ ମାହାଲିଆ ଔଦ୍ୟୋଗିକ୍ ପ୍ରଶିକ୍ଷଣ  
ଦିଆଯିବାର ସୁବିଧା ରହିଛେ ।

ରାଜ୍ୟ ମାନବାଧିକାର କମିଶନ୍- ବରଗଡ଼୍ ଗସ୍ତ

ବରଗଡ଼୍ ସମାଦଦାତା

ଓଡ଼ିଶା ମାନବାଧିକାର କମିଶନ୍ର ଅଧକ୍ଷ ଜଷ୍ଟିସ୍ ଶତ୍ରୁଘ୍ନ ପୂଜାରୀ  
ବରଗଡ଼୍ ଜିଲ୍ଲା ଗସ୍ତ ଥୁ ଆସିକରି ଭିନ୍ ଭିନ୍ ଜେଲ୍ ଆର

ଡାକ୍ତରଖାନା ପରିଦର୍ଶନ କରିଛନ୍ । ଗଲାକାଏଲ୍ ଇ ଗସ୍ତ  
ସମିଆଥି ଜଷ୍ଟିସ୍ ପୂଜାରୀ ବରଗଡ଼୍ ସାର୍କିଟ୍ ହାଉସ୍ ଠାନ୍ନେ  
ଜିଲ୍ଲାପାଲ୍ , ଏସ୍.ପି. ଆର୍ ଜିଲ୍ଲା ମୁଖ୍ୟ ସ୍ଵାସ୍ଥ୍ୟ ଅଧିକାରୀଙ୍କର୍  
ସହେତେ ସମୀକ୍ଷା ବୈଠକ୍ କରିଥିଲେ ।

ଖରିଫ୍ ଚାଷ ଧାନ ଘିନା ନୂଆପଡ଼ା ସମ୍ବାଦଦାତା

ନୂଆପଡ଼ା ଜିଲ୍ଲା ଖଡ଼ିଆଲ୍ ର ତିଖାଲି ଲୋୟର୍ ଇନ୍ଦ୍ର ଜଲ୍ ସେଚନ୍  
ପ୍ରକଳ୍ପନ୍ ରୁ ଚଲ୍ତି ଖରିଫ୍ ଚାଷ ଲାଗି ଜଲ୍ ନିଷ୍ଠାସନ୍ ମୁଲ୍  
ହେଇଛେ । ଇଥି ନୂଆପଡ଼ା ଆର୍ ବଲାଙ୍ଗିର୍ ଜିଲ୍ଲା ୩୫ ହଜାର୍ ୫  
ଶହ ୮୭ ଝନ୍ ଚାଷୀଙ୍କର୍ ୨୯ ହଜାର୍ ୯ ଶହ ହେକ୍ଟର୍ ଜମିକେ  
ପାଏନ୍ ମଡ଼ାଯାଇପାର୍ବା ।

ଇନ୍ଦ୍ରାବତୀ ଜଲ୍ ସେଚନ୍ ଆର୍ଏନ୍ୟୁ / ସମ୍ବଲପୁର

କଲାହାଣ୍ଡି ଜିଲ୍ଲା ଇନ୍ଦ୍ରାବତୀ ଜଲ୍ ସେଚନ୍ ପ୍ରକଳ୍ପନ୍ ଖରିଫ୍ ଧାନ  
ଚାଷ ଲାଗି ପାନି ଯୁଗାବାର୍ କାମ୍ ମୁଲ୍ ହେଇଛେ । ପ୍ରକଳ୍ପର୍  
ଡେବ୍ରି ଭୁଜ୍ନି ଆଉ ମେଗା ଉଠା ସେଚ କେନାଲ୍ ଜରିଏ ୧ ଲାଖ୍  
୧୮ ହଜାର୍ ୪୧ ହେକ୍ଟର୍ ଚାଷ୍ ଜମିକେ ପାଏନ୍ ମଡ଼ାଯିବା ।

ଦୁର୍ଘଟଣା ସମ୍ବଳପୁର ସମ୍ବାଦଦାତା

ସମ୍ବଳପୁର ଜିଲ୍ଲା ହୀରାକୁଦ୍ ସହରେ ଆଏଜ୍ ଗୁଟେ ଦୁର୍ଘଟଣାଥି  
ଝନେ ସ୍କୁଟର୍ ଚାଳକଙ୍କର୍ ଜୀବନ୍ ଯାଇଛେ । ସେ ଏର୍ଆଇଡବ୍ଲୁ  
ଛକ୍ନୁ ଆସୁଥିବାର୍ ବେଲେ ସ୍କୁଟର୍ ଗୁଟେ ବିଦ୍ୟୁତ୍ ଖୁମ୍ବାଥି ପିଟି  
ହେବାର୍ନୁ ଇ ଦୁର୍ଘଟଣା ଘଟିଥିଲା ।

ରିଂରୋଡ୍ ବୌଦ୍ଧ ସମ୍ବାଦଦାତା

ବୌଦ୍ଧ ସହରର୍ ଚନ୍ଦ୍ରଚୂଡ଼ ମନ୍ଦିର୍ ଠାନ୍ନେ ତିଆର୍  
କରାଯାଉଥିବାର୍ ଆଲ୍ତୀ ଘାଟ୍କେ ଆଏଜ୍ ବିଧାୟକ୍ ସରୋଜ୍  
ପ୍ରଧାନ୍ ପରିଦର୍ଶନ୍ କରିଥିଲେ । ଇତାର୍ ଉତ୍ତରୁ ଗୁଟେ ସମୀକ୍ଷା  
ବୈଠକ୍ଥି ବିଧାୟକ୍ ଶ୍ରୀ ପ୍ରଧାନ୍ ସହରର୍ ଲାଗି ରିଂରୋଡ୍ ପ୍ରକଳ୍ପ  
ପ୍ରସ୍ତୁତ୍ କରବାର୍କେ ଅଧିକାରୀମାନ୍କୁ କହିଥିଲେ ।